



**«ԵՐԵՎԱՆԻ ԱՂԲԱՀԱՆՈՒԹՅՈՒՆ ԵՎ ՍԱՆԻՏԱՐԱԿԱՆ
ՄԱՔՐՈՒՄ» ՀԱՄԱՅՆՔԱՅԻՆ ՀԻՄՆԱՐԿ**

ՀՀ ք. Երևան, Շիրակի 88/1
Հեռ. +374-41-777-983
Էլ. հասցե՝ easm.himnark@gmail.com

«05» հունիսի 2026թ.

**«ԿԱՅՍՈՆ ՄՈԹՈՐ ՕԻԼ» ՍՊ ԸՆԿԵՐՈՒԹՅԱՆ
ՏՆՕՐԵՆ ՀՐԱՉԻԿ ՄԿՐՏՉՅԱՆԻՆ**

/Հասցե՝ ՀՀ, Կոտայքի մարզ, գ. Առինջ, 5 փողոց, 1 տուն/

Ծ Ա Ն ՈՒ Ց ՈՒ Մ

(Պայմանագիրը միակողմանի ամբողջությամբ լուծելու մասին)

2026 թվականի հունվարի 7-ին «Երևանի աղքատապարտություն և սանիտարական մաքրում» համայնքային հիմնարկի (այսուհետ՝ Գնորդ) և «Կայսոն Մոթոր Օիլ» ՍՊ ընկերության, ի դեմս տնօրեն Հրաչիկ Մկրտչյանի (այսուհետ՝ Վաճառող) միջև կնքված հ. ԵԱՍՄ-ԷԱՃԱՊՁԲ-25/82-1 ծածկագրով պետության կարիքների համար ապրանքի մատակարարման պայմանագրի 1.1 կետի համաձայն՝ Վաճառողը պարտավորվում է սույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ տեխնիկական բնութագրով նախատեսված և սույն ծածկագրով գնման ընթացակարգի գնահատող հանձնաժողովի՝ հայտերի բացման և գնահատման նիստի արձանագրությամբ՝ նույն ընթացակարգի հրավերով սահմանված պահանջներին համապատասխանող գնահատված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար: Սույն կետում նշված արձանագրությունը կազմում է պայմանագրի անբաժանելի մասը: Ապրանքի մատակարարման ժամանակացույցը սահմանված է սույն պայմանագրի N 2 հավելվածով:

07.01.2026թ. կնքված հ. ԵԱՍՄ-ԷԱՃԱՊՁԲ-25/82-1 ծածկագրով պայմանագրի Հավելված N 2-ով հաստատված մատակարարման ժամանակացույցի համաձայն՝ հրավերով նախատեսված 1 չափաբաժնի համար մատակարարման ժամկետ է սահմանվել ֆինանսական միջոցներ նախատեսվելու դեպքում կողմերի միջև կնքվող համաձայնագրի

ուժի մեջ մտնելու օրվանից սկսած 21 օրացուցային օրվա ընթացքում 1-ին եռամսյակում առնվազն 2500 լիտր, 2-րդ եռամսյակում 2500 լիտր, 3-րդ չափաբաժնի համար ֆինանսական միջոցներ նախատեսվելու դեպքում կողմերի միջև կնքվող համաձայնագրի ուժի մեջ մտնելու օրվանից սկսած 21 օրացուցային օրվա ընթացքում 1-ին եռամսյակում առնվազն 1500 լիտր, 2-րդ եռամսյակում 1500 լիտր իսկ 4-րդ չափաբաժնի համար ֆինանսական միջոցներ նախատեսվելու դեպքում կողմերի միջև կնքվող համաձայնագրի ուժի մեջ մտնելու օրվանից սկսած 21 օրացուցային օրվա ընթացքում 1-ին եռամսյակում առնվազն 3000 լիտր, 2-րդ եռամսյակում 3000 լիտր:

30.03.2026 թվականին «Երևանի աղբահանություն և սանիտարական մաքրում» համայնքային հիմնարկի և «Կայսոն Մոթոր Օիլ» ՍՊ ընկերության միջև կնքվել է 07.01.2026թ. կնքված հ. ԵԱՍՄ-ԷԱՃԱՊՁԲ-25/82-1 ծածկագրով ապրանքների գնման պայմանագրի N 1 համաձայնագիրը, որի 1.1 կետի համաձայն՝ Վաճառողը պարտավորվում է սույն համաձայնագրի N 1 հավելվածով՝ վճարման ժամանակացույցով սահմանված կարգով, ծավալներով, ժամկետներում Գնորդին մատակարարել նախատեսված ապրանքը, իսկ Գնորդը պարտավորվում է ընդունել ապրանքը և վճարել դրա համար:

«Երևանի աղբահանություն և սանիտարական մաքրում» համայնքային հիմնարկը պայմանագրով Գնորդին վերապահված իրավունքների և պարտականությունների իրացման արդյունքում պարզել է, որ սահմանված ժամկետում Վաճառողը չի ապահովել ապրանքի մատակարարումը, որի արդյունքում Գնորդը հիմք ընդունելով ապրանքի խիստ անհրաժեշտությունը՝ պայմանավորված Երևան քաղաքում սանմաքրման աշխատանքները պատշաճ կազմակերպելու հանգամանքով՝ 18.05.2026 թվականին Վաճառողին է հասցեագրել համապատասխան գրություն, առաջարկելով մինչև սույն թվականի մայիսի 29-ը մատակարարել Պայմանագրով նախատեսված ապրանքի խմբաքանակը, միաժամանակ գրությամբ նախազգուշացվել է, որ ապրանքների չմատակարարման պարագայում «Երևանի աղբահանություն և սանիտարական մաքրում» համայնքային հիմնարկի և «Կայսոն Մոթոր Օիլ» ՍՊ ընկերության միջև 07.01.2026թ. կնքված հ. ԵԱՍՄ-ԷԱՃԱՊՁԲ-25/82-1 ծածկագրով պետության կարիքների համար ապրանքի մատակարարման պայմանագիրը միակողմանի կլուծվի:

«Կայսոն Մոթոր Օիլ» ՍՊ ընկերությունը 21.05.2026 թվականին «Երևանի աղբահանություն և սանիտարական մաքրում» համայնքային հիմնարկի էլեկտրոնային հասցեին հասցեագրած պատասխան գրությամբ հայտնել է, որ նախատեսված ապրանքը Հայաստանում կլինի մինչև ընթացիկ ամսվա վերջը: Միաժամանակ նշել է, որ ուշացումը պայմանավորված է այս պահին աշխարհում տիրող իրավիճակով և մատակարարման գործընթացներում առաջացած դժվարություններով:

Արդյունքում Վաճառողը սույն թվականի հունիսի 5-ի դրությամբ չի իրականացրել Պայմանագրով նախատեսված ապրանքի մատակարարումը:

ՀՀ քաղաքացիական օրենսգրքի 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

ՀՀ քաղաքացիական օրենսգրքի 345-րդ հոդվածի 1-ին մասի համաձայն՝ պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը:

Պայմանագրի 2.1.7 կետի համաձայն՝ Գնորդն իրավունք ունի՝ միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը:

Պայմանագրի 2.1.7.1 կետի համաձայն՝ Վաճառողի կողմից պայմանագիրը խախտելն էական է համարվում, եթե՝

բ) ապրանքի մատակարարման ժամկետները խախտվել են 10 օրից ավելի:

ՀՀ քաղաքացիական օրենսգրքի 466-րդ հոդվածի 3-րդ մասի համաձայն՝ պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված:

Հաշվի առնելով այն հանգամանքը, որ «Կայսոն Մոթոր Օիլ» ՍՊ ընկերությունը խախտել է պայմանագրով սահմանված պարտավորությունները և սահմանված ժամկետում չի մատակարարել պայմանագրով նախատեսված ապրանքը «Երևանի աղբահանություն և սանիտարական մաքրում» համայնքային հիմնարկը ղեկավարվելով վերը նշված իրավական հիմքերով՝ միակողմանի ամբողջությամբ (26.136.000 (քսանվեց միլիոն հարյուր երեսունվեց հազար դրամ) ՀՀ դրամի չափով) լուծում է պայմանագիրը՝ *պատշաճ ծանուցումն ապահովելու նպատակով կիրառելով ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» Կարգի 33-րդ կետի 17-րդ ենթակետով սահմանված դրույթները:*

Համաձայն «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում, պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում: Ընդ որում սույն կետում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ

հայտարարությունը հրապարակելու կամ պայմանագիրը միակողմանի լուծելու մասին հայտարարությունը (ծանուցումը) հրապարակելու օրվան հաջորդող տասներորդ օրը: Որոշումը կայացվելուն հաջորդող օրը այն գրավոր տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործի եզրափակիչ դատական ակտն ուժի մեջ մտնելու օրվան հաջորդող հինգերորդ օրը, եթե դատական քննության արդյունքով որոշման կատարման հնարավորություն չի վերացել:

Ընդ որում, եթե՝

-սույն կետով նախատեսված՝ լիազորված մարմնին որոշումը ներկայացվելու վերջնաժամկետը լրանալու օրվա դրությամբ մասնակիցը կամ պայմանագիրը կնքած անձը վճարել է պայմանագրի կատարման և որակավորման ապահովման համար սահմանված գումարները՝ համապատասխանաբար 4.200.000 (չորս միլիոն երկու հարյուր հազար) ՀՀ դրամ և 6.300.000 (վեց միլիոն երեք հարյուր հազար) ՀՀ դրամ Կենտրոնական գանձապետարանում լիազորված մարմնի անվամբ բացված՝ համապատասխանաբար «900008000664» և «900008000698» գանձապետական հաշվեհամարներին, ապա պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացնում լիազորված մարմնին.

-մասնակցի կամ պայմանագիրը կնքած անձի կողմից հայտի, պայմանագրի և որակավորման ապահովման գումարի վճարումն իրականացվել է լիազորված մարմնին որոշումը ներկայացվելու վերջնաժամկետը լրանալուց հետո, բայց ոչ ուշ, քան մասնակցին կամ պայմանագիր կնքած անձին ցուցակում ներառելու վերջնաժամկետը լրանալու օրը, ապա պատվիրատուն դրա մասին գրավոր տեղեկացնում է լիազորված մարմնին, որի հիման վրա մասնակիցը չի ներառվում ցուցակում:

ՀԱՐԳԱՆՔՈՎ՝

«ԵՐԵՎԱՆԻ ԱՂԲԱՀԱՆՈՒԹՅՈՒՆ

ԵՎ ՍԱՆԻՏԱՐԱԿԱՆ ՄԱՔՐՈՒՄ»

ՀԱՄԱՅՆՔԱՅԻՆ ՀԻՄՆԱՐԿԻ ՏՆՕՐԵՆԻ ՏԵՂԱԿԱԼ,

ՏՆՕՐԵՆԻ ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ

ԱՆՈՐԱՆԻԿ ԱՎԵՏԻՍՅԱՆ

